

星槎勝覽

星槎勝覽序

夫萬物無不覆載者、天地之統也。萬邦無不歸順者、聖人之統也。天地聖人、一而二、二而一者也。試嘗觀之、天位乎上、地位乎下、二氣周流、四時更化、果何以見其統哉。吁、大哉乾元、萬物資始、至哉坤元、萬物資生、則凡物之在於兩間者、無不聞之也、聖人以一人之身、處乎九重之上、輿圖之廣、生齒之繁、亦何以見其統哉。噫、本乎聖人已德之脩也耳。稟聖神文武之德、蘊睿智聰明之資、首出庶物、卓冠羣倫、所守者至簡而能禦煩、所處者至靜而能制動、所務者至寡而能服衆、是以際天所覆、極天所載、莫不咸歸於德化之中、普天下率土之濱、罔不悉歸於涵養之內。洪惟我太祖高皇帝龍飛淮甸、鼎定金陵、掃胡元之弊習、正華夏之彝倫、振綱常以布中外、敷文德以及萬方。太宗文皇帝德澤洋溢乎天下、施及蠻夷、舟車所至、人力所通、莫不尊親、執圭捧帛而來朝、梯山航海而進貢、禮樂明備、禎祥畢集。仁宗昭皇帝法祖憲天、行二帝三王之道。宣宗章皇帝守成繼統、體二帝三王

星槎勝覽二序

國立中山大學語言歷史學研究所史料叢刊

之心、迨至皇上仁智天錫、聖道日新、任師傅者皆伊召之德、君廊廟者盡稷禹之賢、聖聖相承、紹繼大統、豈不謂天地聖人同其致焉、愚生費信、祖氏吳郡崑山民也。洪武三十一年、先兄籍太倉衛、不幾、而信蚤世、年始十四、代兄當軍。且家貧而陋室、志篤而好學、日就月將、儉時借書而習讀。年至二十二、永樂壬寅德間、選往西洋、四次隨征正使太監鄭和等至諸海外。歷覽諸番人物風土所產、集成二帙、曰星槎勝覽。前集者、親覽日識之所至也。後集者、採輯傳譯之所實也。然不能効編摩之體、爲文爲詩、誠不敢負聖恩、往賜璽書禮幣、至仁至德、化及蠻夷、萬邦臣服貢獻之盛歟。書既成藁、未獲冊正、倘遇明師碩儒、筆則筆、削則削、愚信効勤之誠、鄙陋之至、可得所伸矣。欽哉皇圖廣運、大明麗天、實駕唐虞而超越三代矣。可知海域蠻方、風俗之美惡、山川之險易、物產雖殊異、無爲之用、人類之醜賤、何足可觀。倘蒙明賢閱之、盡在心目、克忽遠涉之勞、永固天朝之祚。信學識疏淺、懇切不勝之至債也。

正統元年龍集丙辰、春正月朔日、玉峰松岩生費信公曉謹序。

星槎勝覽

序

二

國立中山大學語言歷史學研究所史料叢刊

星槎勝覽目錄前集

一於永樂七年、隨正使太監鄭和等、往占城、爪哇、滿刺加、蘇門答刺、錫蘭山、小咀喃、柯枝、古里、等國、開讀賞賜。至永樂九年、回京。

一於永樂十年、隨奉使少監楊敕等往榜葛刺等國、開讀賞賜。至永樂十二年廻京。

一於永樂十三年、隨正使太監鄭和等、往榜葛刺諸番、直抵忽魯謨斯等國、開讀賞賜。至永樂十六年、廻京。

一於宣德六年、隨正使太監鄭和等、往諸番、直抵忽魯謨斯等國、開讀賞賜。至宣德八年、廻京。

通計歷覽西洋諸番之國、風土人物之異、逐國分序、詠其詩篇。

占城國

寶童龍國

靈山

崑崙山

交欄山

暹羅國

爪哇國

舊港

滿刺加國

星槎勝覽前集

目錄

一

國立中山大學語言歷史學研究所史料叢刊

九洲山

蘇門答刺國

花面三國

龍牙犀角

龍涎嶼

翠藍嶼

錫蘭山國

小咀喃國

柯枝國

古里國

忽魯謨斯國

刺撒國

榜葛刺國

星槎勝覽目錄前集

星槎勝覽前集

占城國

陳垣同志遺書



永樂七年己丑上命正使太監鄭和等、統領官兵、駕使海船四十八號、往諸番國、開讀賞賜。是歲秋九月、自太倉劉家港開船、十月、到福建長樂太平港泊。十二月、福建五虎開洋、張十二帆、順風、十晝夜至占城國。臨海有港、曰新洲。西抵交趾、北連中國。他藩寶船到彼、其首長頭戴三山金花冠、身披錦花、手中臂腿四腕俱以金鐲、足穿玳瑁履、腰束八寶方帶、如粧塑金剛狀、乘象、前護擁隨番兵五百餘、或執鋒刃短鎗、或舞皮牌、槌善鼓、吹椰笛、殼筒、及部領乘馬出郊、迎接詔賞、下象、膝行、匍匐、感沐天恩、奉貢方物。其國所產、巨象、犀牛、甚多、所以象牙犀角、廣貿別國。棋楠山一山所產、酋長差人看守採取、民下不得。如有私偷賣者、露犯則斷其手。烏木降香、民下樵而爲薪。氣候常熱如夏、不見霜雪、草木長春、隨開隨謝。供民以煮海爲鹽、田禾甚薄。其國之人、惟食檳榔裏葉、包蠟殼灰、

行住坐臥、不絕其口。月日之但有月生爲初、月晦爲滿、如此十次盈虧、爲一歲。晝夜以善鼓十更爲法、酋長及民下、非至午不起、非至子不睡。見月則飲酒歌舞爲美。酋長所居高廣、室宇門牆、以磚灰甃砌。及堅硬之木、雕琢獸畜之形、爲華飾。外週磚垣、亦有城廓之備。練兵之具、藥鏃刀標之屬。其部領亦分等第、門高有限、民下編茅覆屋、門不過三尺、過者卽罪之。一國之食、魚生不腐爛不食、釀不生蛆不爲美。造酒、以米和藥丸乾、持入甕中、封固如法、收藏日久、其糟生蛆、爲佳醞。他日開封、用長節竹簪三四尺、插入甕中、或團坐五人、十人、量人入水多寡、輪次吸竹。別酒入口、吸盡再入水。若無味、則止。有味、封留再用。歲時縱入採生人膽鬻官。其酋長或部領得膽入酒中、與家人同飲、謂之曰通身是膽。相傳尸頭鬻者、本是婦人也、但無瞳人爲異。其與家人同寢、夜深飛頭而去、食人糞尖飛回、復合其體、仍活如舊。若知而封固其項、或移體別處、則死矣。人有病者、遇食其糞、妖氣入腹、病者必死。此者民家而有不報官者、罪及一家、番

人愛其頸、或有觸弄其頸者、必有生死之恨。男女堆髻腦後、花布纏頸、上穿短衫、腰圍色布手巾。其國無紙筆之具、但將羊皮挺薄薰黑、削細竹爲筆、蘸白灰爲字、若蚯蚓委曲之狀。語言燕鴉、全憑通事傳譯。

詩曰、

聖運承天統、雍熙億萬春。元戎持使節、頒詔撫夷民。莫謂江山異、同霑雨露新。西連交趾塞、北接廣南津。酋長尤崇禮、聞風感聖人。棋楠宜進貢、烏木代爲薪。筆寫羊皮紙、言談鵲舌人。角犀應自縱、牙象尙能馴。蛆酒奇堪酌、尸蠻怪莫陳。遙觀光嶠外、頓覺壯懷伸。採摭裁詩句、摠誠獻紫宸。

寶童龍國

其國隸與占城、山地接連。有雙溪、澗水澄清、佛書所云舍衛乞食、卽其地也。目連所居、違址尙存。人物風土草木氣候、與占城大小同異。惟喪禮之事、能扶孝服、設佛事而度死、擇僻地而葬之。婚姻遇合、情義不忘、終乖人倫理。尸蠻頭者、北占城害之由甚、民多置廟、牲血祭之、求禳。酋長出入、或象或馬、一如占城王、扮畧同、從者前後百餘人、執盾、讚唱日亞日僕。地產棋楠香象牙。貨用金銀花布之屬。民下編茅覆屋而居、亦如占城。異其食啖。行止狀貌、可笑可嗟矣。

詩曰、

海嶠寶童國、雙溪水色清。目連生育處、佛氏乞遊城。地窄民居少、山多野獸鳴。氣融冰不識、日煖草叢生。喪禮微知孝、婚姻畧備情。尸蠻嘗糞穢、妖廟祭犧牲。部領鳴鴉導、蠻酋坐象行。棋楠從土產、花布任商營。搜緝遺風俗、公餘子細評。

靈山

其處峻嶺而方、石泉下帶。民居星散、結網爲業。田土肥、耕種一歲二收。氣候之節、男女之規、與占城大同小異。地產黑紋相對籐杖、每條易斗錫一塊。若粗大而紋疎者、一錫易杖三條。得檳榔莖葉、無異物所產。其往來販舶、必於此汲水採薪、以濟日物用。舶人齋沐三日、崇佛諷經、撚放水燈綵

舡、以禳人舡之災。

詩曰，

靈山方石嶺、其下有泉流。寥落民居少、風登穀米稠。放燈祈佛福、賽愿便商舟。藤杖山中出、魚蝦海內求。梵經曾覩此、今日一遨遊。

崑崙山

其山節然瀛海之中、與占城及東西竺鼎峙相望。山高而方、根盤曠遠、海之名曰崑崙。凡往西洋商販、必得順風、七晝夜可過、俗云、上帕七洲、下帕崑崙、針迷舵失、人船莫存。此山產無異物、人無居室、而食山果魚蝦、居樹巢矣。

詩曰、

鼎峙東西竺、節然瀛海區。惟愁針舵失、但念穴巢居。四季樹生菓、三餐蝦與魚。遐陬無別產、吟詠亦堪書。

交欄山自占城靈山起程，順風，八晝夜可至。

星槎勝覽前集

暹羅國

三

國立中山大學語言歷史學研究所史料叢刊

其山高、而叢林籐竹舵桿桅檣篷箬、無所不備。胡元之時、命將高興、史弼、領兵萬衆、駕巨舶往閩婆國、遭風至於交欄山下、其船多損、隨登此山、造舡百號、復征閩婆、得勝、擒其酋長四國。是此知之。至今民居有義、中國人雜處、蓋此時有病卒百餘、留養不歸、而傳生育也。氣候常暑、米谷稀少。民好射獵爲業。男女堆髻穿短衫、係巫崙布。地產豹、熊、鹿皮、玳瑁。貿易之貨、用米、穀、五色絹、青布、銅器、貴碗之屬。

詩曰、

岌業交欄島、叢林擁翠圍。三春稀黍稷、四景有災威。當腦盤髻髻、披肩掛短衣。熊皮多美麗、玳瑁甚希奇。使節仍臨莅、遺氓亦願歸。遙觀瞻山海、得句樂心機。

暹羅國自占城起程，順風十晝夜可至。

其國山行如城、白石峭嶮、地周千里。外山嶠嶇、內嶺深邃。田平而沃、稼多豐熟。氣候常熱。風俗勁悍、專尚豪強、侵掠鄰境、削糠榔木爲標、水牛

皮爲牌、草篋等器、慣習水戰。男女堆髻、白布纏頭、穿長衫、腰束青花色布手巾。其酋長及民下謀議百物出入錢穀。煮海爲鹽產、大小之事、悉決於婦、其男一聽可、與牝鷄之鳴爲合無序。遇我中國男子、愛之、必置酒致待而敬之、歡歌留宿、婦人多爲尼姑道士、皆能誦經持齋、服色畧似中國之制。亦造庵觀之所、以重喪禮之事。人死之時、必用水銀灌養其尸、而後擇高阜地設佛事、卽葬之。釀蔗爲酒。俗以海貳代錢、通行於市。每一萬箇、準中統鈔二十貫。地產羅斛香、焚極清遠、亞於沉香。其有蘇木、犀角、象牙、翠毛、黃臘、大風子油。貨用青白磁器、花布、色絹、緞疋、金銀銅鐵、燒球、水銀、雨傘之屬。

詩曰、

海外暹羅國、山形似壘城。三春花草盛、九夏稻禾榮。竟日男安坐、移時婦決行。髻端羅布白、腰下束花青。失序人倫亂、無條理法輕。富尊酋長貴、豪俠庶民橫。香翠通商販、海貳如鈔行。蠻戎欽帝德、金表貢神京。

星槎勝覽前集

一

四

國立中山大學語言歷史學研究所史料叢刊

爪哇國自古城起程、順風二十晝夜可至其國。

古名閩婆、地廣人稠、實甲兵器械、乃爲東洋諸番之衝要。舊傳鬼子魔天正於此地與一罔象青面紅身赤髮相合、凡生子百餘。常食啖人血肉。佛書所云鬼國其中、只此地也。人被啖盡。忽一日、雷振石裂、中坐一人、衆稱異之、遂爲國生、卽領兵驅逐罔象、而不爲害。設後生齒而安業。乃至今、國之移文後書一千三百七十六年、考之肇啟漢初、傳至我宣德七年。港口以入去馬頭、曰新村。居民環接、編菱樟葉覆屋。鋪店連行爲市、賣買聚集。其國當饒珍珠、金銀、鴉鵲、貓睛、青紅等石、珊瑚、瑪瑙、荳蔻、華菱、梔子、花木青香、鹽無所不有。蓋在通商之處也。其鸚鵡、嬰哥、孔雀、能馴、言語歌曲。其倒掛鳥、身如雀大、披五色羽、日間焚香於其榜、夜則張羽翼而倒掛、張尾翅而放香。民俗好咒彊、生子一歲、則置刀如背、名曰不刺頭。以金銀象牙雕刻爲靴、凡男子自幼至老、貧富皆有、挿於腰間、若有爭論、不通罵詈、卽拔刀刺之、強者爲勝。設被殺之、藏躲三日而出、卽無事也。

。男子揉頭裸身、惟腰圍單帶手巾、能飲酒酣、重財輕命、婦人亦然、惟項上金珠聯帶紉之、兩耳塞菱樟葉圈於竅中。其喪事九、其主翁之死、婢妾之衆而對誓曰、死則同往。臨殯之日、妻妾奴婢皆滿頭帶花草、披五色手巾、隨屍主海邊或野地、將屍於沙地、得衆犬食盡爲好。如食不盡、則悲泣號歌、柴堆於傍、衆婦於其上良久之際、縱火燒柴而死、則殉葬之禮也。蘇魯馬益、亦一村地名也、爲市聚貨商船米糧。港口有洲、聚獠獠數百。傳聞於唐時、其家五百餘口、男婦兇惡、忽一日有僧至其家、乃言吉凶之事。其僧取水嚶之、俱化爲獼猴、止留其老嫗不化。今存舊宅本處、及商者常設飲食檳榔花菓肉類而祭之。不然、則禍福甚有驗也。此怪誕之事、本不可計、尤可爲之戒矣。杜板一村、亦地名也。海灘有水一泓、甘淡可飲、稱曰聖水。元時、使將史弼、高興因征其國、經月不下。而舟中乏糧、軍士失措。史、高二將、拜天祝曰、奉命伐蠻、如天與水、卽生、不與之、則死。祝之、插槍鹹苦海灘、其泉水隨槍湧出、水味甜甘、衆軍汲而飲之、乃令曰、天賜助

詩曰、

古是閩婆國、曾遭鬼母殃。震雷驚石裂、深穴見人藏。歡忭皆知異、扶持衆立王。人民從教化、罔象被驅亡。婦女誇家富、男兒縱酒強。嬰哥時刷翠、倒掛夜分香。婚娶吹榔殼、人隨禦竹鎗。田疇禾稼盛、而賈貨財昌。洲上彌猴聚、溪邊祭禮忙。蠻夷遵 詔、永世沐恩光。

舊港自爪哇國起程、順風八晝夜至。

古名三佛齊國。自港入去、田土甚肥、倍於他壤。古云一季種穀、三季生金。言其米穀盛而爲金也。民故富饒、俗囂好淫。有操畧、水戰甚慣、其處水

多地少。部領者皆在岸邊居。屋之用、匪民僕而宿、其餘民皆置不筏、上蓋屋而居、若近溪船、以木椿棧圍設、其水溺則浮筏起、不能淹沒也。或欲別起、居椿去之、連屋移拔、不勞其力。此處之民、爪哇所轄。風俗與爪哇大同小異、地產黃熟番迷香、降香、沉香、黃臘、并鷓鴣頂之類。貨用燒煉五色珠、青白磁器、銅鼎、五色布絹、色緞、大小磁器、銅錢之屬。永樂三年、我朝太宗文皇帝命正使太監鄭和等統領舟師往諸番國、海寇陳祖義等聚三佛齊國、抄掠番商、亦來犯我舟師、被我正使深機密策、若張網獲獸而殄滅之、生擒歐剌、獻俘闕下。由此海內振肅。

詩曰、

瀕海沙泥地、田禾熟倍金。男兒多很暴、女子甚哇淫。地僻蠻夷逆、天差正使擒。浮囚獻闕下、四海悉欽遵。

滿刺國自舊港起程、順風八晝夜至此。

其處舊不稱國、傍海居之、山孤人少、受降於暹羅。每歲輸金四十兩以爲納

稅。田瘠少收、內有一山、泉流溪下、民以溪中淘沙取錫、煎銷成塊、曰斗塊、每塊重百斤一觔四兩。及織蕉心簞。惟以斗錫通市。餘無產物。氣候朝熱暮寒。男女堆髻、身膚黑漆。間有白者、唐人種也。俗尚淳厚、以淘釣於溪、網魚於海。房屋如樓閣、卽不鋪設、但有不條稀布、高低層次、連床就榻、箕居而坐。飲酒射圃、俱在其上也。貨用青白磁器、五色燒埴、色絹、金銀之屬。永樂七年、皇上命正使太監鄭和等賡捧詔勅、賜以雙臺銀印、冠帶袍服、建牌封域、爲滿刺加國。其暹羅始不敢擾。永樂十三年、酋長感慕聖恩、挈妻携子、貢獻方物、涉海朝謝。聖上賞勞歸國。

詩曰、

滿刺村寥落、山孤草木幽。青木田少種、白錫地多收。朝至熱如暑、暮來涼似秋。羸形漆膚體、堆髻布纏頭。鹽煮海中水、身居峇上樓。夷區風景別、賦咏採其由。

其山與滿刺加國接境、產沉香、黃熟香。水木叢生、枝葉茂翠。永樂七年、正使太監鄭和等差官兵入山採香、得經有八九尺長者八九丈者六株。香清味遠、黑花細紋。其實罕哉。番人張目吐舌、悉皆稱讚天兵力、鼻鼈之神、蛟走兎虎奔也。

詩曰、

九洲山色秀、遠見鬱蒼蒼。四海皆環海、滿枝都是香。樹高承雨露、歲久表禎祥。採伐勞天使、回朝獻帝王。

蘇門答刺國

古名須文達那、與花面國相接。村落傍海、田瘠少收。胡椒廣產、椒籐延附樹木而生、其葉如匾豆、其花開黃白、結椒乃纍垂如宗櫚子、而粒少也。只番秤一番荷、抵家官秤三百二十斤、價銀錢二十箇、重鉅六兩金。抵納銀、金錢也、每四十八箇、重金一兩四分。風俗頗淳、民下網魚爲生、朝駕獨木剗舟、張帆而出海、暮則回舟、男子纏頭白布、腰圍摺布。婦女堆髻儼體、

星槎勝覽前集

七

國立中山大學語言歷史學研究新史料叢刊

腰圍色布、布手巾。產鶴頂、其瓜茄橘柚酸甜之菓、一種五年、常花常結。有一等菓、皮若荔枝、皮若荔枝、如瓜大。未剖之時、甚如爛蒜之臭、剖開取囊、如酥油美香。煮海爲鹽。貨用青白磁器、銅錢、金銀、爪哇布、色絹之屬。永樂十一年、僞王蘇幹刺寇竊其國、王遣使赴闕、陳訴請救、上命正使太監鄭和等統率官兵勦捕、生擒僞王。至永樂十三年、歸獻闕下、諸番振服。

詩曰、

一覽蘇門境、山泉劃界流。胡椒林杪結、民屋海邊幽。地瘠收禾薄、山高產木稠。三春霑雨浩、四季瘴烟浮。男子頭纏布、嬰孩體木猴。瓜茄常歲有、橘柚不時收。朝熱渾如暑、暮寒還似秋。精鹽色霜雪、臭菓味酥油。若箇夷風俗、中華解此否。

花面國

其處與蘇門答刺國接境、遠迤山地、田足稻禾。氣候不常。風俗尙厚。男女

大小、皆以黑汁刺面。花獸之面、獠頭裸體、單布圍腰。孳生牛羊、鷄鴨羅布、不奪其弱。上下自耕自食、富不倚驕、貧不生盜。可爲一區之宜也。

詩曰、

蠻域觀風異、融和草木深、山高分地界、物阜慰民心。腰布羞還掩、顏花墨半侵。牛羊迷綠野、鷄鴨賣黃金。頗富知仁義。雖貧肯濫熈。那堪採夷俗、援筆寫新吟。

龍牙犀角

其地內平而外尖、民下蟻附而居之。氣候常熱、田禾勤熟、俗尚淳厚。男女堆髻圍麻逸布、穿短衫。以親戚尊長爲重。一日不見、則携酒持榖而問安。煮海爲鹽、釀秫爲酒。地產沉迷降香、真黃速香、鶴頂、蜂蜜、砂糖。貨用土印布、八都刺布、青白磁器之屬。

詩曰、

遙望茲山勢、龍牙犀角峰。居民如蟻附、堆髻自猴容。汲海鹽煎雪、懸崖蜜

撥蜂。布稍爲體厚、梳米造漿濃。氣候常同夏、林花不較冬。問安行禮節、千載見遺風。

龍涎嶼

獨然南立海中、此嶼浮艷海面。彼繫云騰。每至春間、群龍所集於上、交戲而遺涎沫、番人乃駕獨木舟、登此嶼、採取而歸。設遇風波、則人俱下海、一手附舟傍、一手揖水而至岸也。其龍涎初若脂膠、黑黃色、頗有魚腥之氣、久則成就大泥。或大魚腹中、剖出若斗大圓珠、亦覺魚腥、間焚之、其發青香、可愛。貨於蘇門之市、價亦非輕。官秤一兩、用彼國金錢十二箇。一斤、該金錢一百九十二箇、准中國銅錢四萬九十文、尤其貴也。

詩曰、

一片平方石、羣龍任往還。身騰霄漢上、交戲海波間。吐珠人爭取、拏舟路險難。邊夷曾見貢、懽笑動天顏。

翠藍嶼

其山大小有七門、中可過船、傳聞釋迦佛經此山、浴於水、被竊其袈裟。佛勢當作誓云、後有穿衣者、必爛皮肉。由此男女削髮無衣。近有樹葉糾結而遮前後。米穀亦無。惟在海網捕魚蝦、及蕉椰子爲食啖也。然聞此語、未可深信。然其往來未得泊其山下。宣德七年壬子十月二十三日、雨風水不順、偶至此山、泊繫三日夜。山中之人駕獨木舟來貨椰實。舟中男婦、果如前言、始知不謬矣。

詩曰、

浩蕩翠藍嶼、叢林茂不疎。人形真獸類、椰實以瓜粗。腰掩草微有、頭髭髮竟無。幾番揮筆寫、堪記不堪圖。

錫蘭山國

其國地廣人稠、貨物各聚、亞於爪哇國。有高山參天之叢。山頂產有青美盤石、黃鴉鵲石、青紅寶石。每遇大雨、衝流山下沙中、尋拾得者。其海傍有珠簾沙、常此網取螺蚌、傾入珠地內、作爛淘珠、爲用而貨也、海邊有一盤

石、上印足跡、長三尺許、常有水不乾。稱爲先世釋迦佛從翠藍嶼來登此岸、足躡其跡。至今爲聖跡也。山下有寺、稱爲釋迦佛涅槃眞身、在寺側臥、常存。亦有舍利子在其寢處。氣候常熱、俗朴富饒、米谷足收。地產寶石、珍珠、龍涎、乳香。常用金銀銅錢、青花白磁器、段色絹之屬。男女纏頭、穿長衫、圍單布。永樂七年、皇上命正使太監鄭和等賚捧詔勅金銀供器、採粧織金寶幡布施於寺、及建石碑、以崇皇圖之治。賞賜國王頭目。其王亞烈苦茶鬼、負固不恭、謀害舟師、我正使太監鄭和等、深機密策、暗設兵器、三令五申、使衆啣枚疾走、夜半之際、信炮一聲、奮勇殺人、生擒其王。至永樂九年、歸獻闕下、尋蒙恩宥、俾復歸國、四夷悉欽。

詩曰、

地廣錫蘭國、營商亞爪哇。高峯生寶石、大雨雜泥沙。淨水宜眸子、神光臥釋迦。深池珠燦爛、林茂樹交加。出物奇偏賚、遺風富且奢。立碑當聖代、傳誦樂無涯。

小嶼喃國

山連赤土、地接下里。日中爲市、西洋諸國之馬頭也。本國流通使用金錢、名倘伽。數箇、重八分。小金錢名巴喃、四十箇、准大金錢一箇、以便民也。田瘠而穀少、歲籍榜葛刺米足食。氣常熱。風俗淳美。男少女多。有南北人。地產胡椒、亞於下里。乾檳榔、波羅密、色布。其木香、乳香、眞珠、珊瑚、酥油、孩兒茶、梔子花、皆自他國也。貨用丁香、豆蔻。蘇木、色段、麝香、金銀銅器、鐵線、黑鉛、之屬。

詩曰、

西海嶼喃國、諸番貨殖通。人情應各別、花木總相同。珠子光喃白、珊瑚色潤紅。何由男與女、混雜自遺風。

柯枝國

其處與錫蘭山國對峙、氣候常熱。田瘠少收。村落傍海、風俗頗淳。男女堆髻、穿短衫、圍單布。其有一種曰木瓜、無屋居之、惟穴居樹巢。臨海捕魚

爲業。男女裸體、紉結樹葉、或草數莖、遮其前後之差。行路遇人則蹲縮於道傍、伺過方行也。地產胡椒甚廣、富家俱置板倉貯之、以售商販。行使小金錢、名吧喃、貨用色段、白絲、青白花磁器、金銀之屬。

詩曰、

嗟彼柯枝國、山連赤鹵場。穴居相類獸、市集更通商。米穀小收實、胡椒積滿倉。恩宣中使至、隨處識蠻鄉。

古里國

當巨海之要、其僧迦密通、亦西洋諸番之馬頭也。山廣田瘠、麥穀頗足。風俗甚厚、行者讓路、道不拾遺。法無刑杖、惟以石灰劃地爲禁令。其酋長富居深山。傍海爲市、聚貨通商。男子穿長衫、頭纏白布。其婦女穿短衫、圍色布、兩耳懸帶金牌、洛索數枚。項上珍珠寶石珊瑚、連掛瓔珞。臂腕、足脛、皆金銀鑲。手足指皆金廂寶石戒指。髻堆腦後、容白髮黑、嬌美可觀。其有一種裸身之人、曰木瓜、與柯枝同。地產胡椒。亞於下里。俱有倉廩貯

之、待商之販。有薔薇露、波羅密、孩兒茶、印花被面、手巾。其有珊瑚、珍珠、乳香、木香、金箔之類、皆由別國而來。其國能蓄好馬、自西番而來、動經金錢千百爲疋。其國若西番馬來本國、馬來不買、則議爲空國之言也。貨用金銀、色段、青花白磁器、珍珠、麝香、水銀、樟腦之屬。

詩曰、

古里通西域、山青景色奇。路遺他不拾、家富自無欺。酋長施仁恕、人民重禮儀。將書夷俗事、風化得相宜。

忽魯謨斯國

其國傍海而居、聚民爲市。地無草木、牛羊馬駝皆食海魚之乾。風俗頗淳。壘石爲城。酋長深居、練兵蓄馬、田瘠麥廣、穀米少收。民下富饒、山連五色、皆是鹽也。鑿之鑊爲器盤碟之類、食物就而不知鹽也。壘堆石而爲屋、有三四層者。其厨廁臥屋待客之所、俱在上也。男子拳髮、穿長衫、善弓矢騎射。女子編髮四垂、黃繚其項、穿長衫、出則布幔兜頭、面用紅青紗一方蔽之、兩耳輪用掛瑤珞金錢數枚。以青石磨水、粧點眼眶唇臉花紋爲美。項掛寶石珍珠珊瑚、紉爲瓔珞。臂腕腿足、俱金銀鐲。此富家之規也。行使金銀錢。產有珍珠、金箔、寶石、龍涎香、撒哈刺、梭眼、絨毯。貨用金銀、青白花磁器、五色段絹、木香、金銀香、檀香、胡椒之屬。

詩曰、

忽魯謨斯國、邊城傍海居。鹽山高峯崒、酋長富盈餘。原隰唯收麥、牛羊總食魚。女纏珠珞索、男坐翠氍毹。瑤珊瑚廣、龍涎寶石珠。蠻邦成絕域、歷覽壯懷舒。

刺撒國

倚海而居、土石爲城。連山曠地、草木不生。牛羊駝馬皆食魚乾。民俗頗厚、氣候常熱。田瘠少收、唯麥畧有。數年無雨、鑿井絞車、羊皮袋水。男女拳髮、穿長衫。婦人粧點兜頭、與忽魯謨斯國同。壘石築土爲屋、三四層者、其上廚爨、東廁、臥室、待客。其下、奴僕居之。地產龍涎香、乳香、干

里駱駝、餘無物也。貨用金銀、色段、色絹、磁器、米穀、胡椒之屬。

詩曰、

海丘名刺撒、絕雨亦無寒。層石壘高屋、狂濤激遠灘。金銀營土產、駝馬食魚乾。雖有龍涎貨、蠻鄉不可看。

榜葛刺國

其處曰西印度之地。西通金剛寶座、曰紹納福兒、乃釋迦佛得道之所。永樂十年、並永樂十三年、二次上命太監候顯等統領舟師賈捧詔勅賞賜國王王妃頭目、至其國。海口有港、曰察地港、立抽分之所。其王知我中國寶船到彼、遣部領賈衣服等物人馬千數、迎接泡口。起程十六站、至鎖納兒江、有城池街市、聚貨通商。又差賈禮、象馬迎接。再行二十站、至坡獨哇、是酋長之居處。城廓甚嚴、街道鋪店、連楹接棟、聚貨甚有。其王之居、皆磚石、贅砌高廣、殿宇平頂、白灰爲之。入去內門三重、九間長殿、其柱皆黃銅色飾、雕琢花獸。左右長廊、內設明甲馬隊千餘、外列巨漢明盔明甲執鋒劍弓

矢、威儀之甚。丹墀左右、設孔雀翎傘蓋百數。又置象隊白數於殿前。其王於正殿設高座、嵌八寶、蹕踞坐其上、劍橫於膝。乃令銀柱杖二人、皆穿白纏頭、表引導前王、步一呼、至中則止。乃金柱杖二人、接引入前。禮其王。恭禮拜迎詔、初叩謝加額、開讀賞賜、受畢、鋪絨毯於殿地、待我天使、宴我官兵。祀之甚厚。蟠炙牛羊、禁不飲酒、恐亂其性。抑不遵禮、惟以薔薇露和香蜜水飲之也。宴畢、復以金盃、金繫腰、金盆、金瓶、奉贈天使。其副使皆以銀盃、銀繫腰、銀盆、銀瓶之類、其下之官、亦以金鈴紉紵絲長衣之贈。兵士俱有銀盃錢蓋。此國有禮富足者矣。其後恭置金筒銀葉表文、差使臣賈捧、貢獻万物于廷。其國風俗甚淳。男子白布纏頭、穿白布長衫、足穿金線羊皮靴、濟濟然、亦其文字者衆。凡交易、雖有萬金、但價定打平、永無悔改。婦女穿短衫、圍色布絲綿、然不施脂粉。其嬌色白色、兩耳垂寶鈿、項掛瓔珞、髻堆腦後、四腕金鐲手足戒指、可爲一觀。其有一種人曰印度、不食牛肉。凡飲食、男女不同處。夫死、妻不再嫁。妻喪、夫不再娶。

。若孤寡無倚、一村之家輪養之。不容別村求食、足其義氣之尚也。田沃豐足、一歲二收、不用耕耔、隨時自宜。男女勤於耕織。果有波羅密、大數斗、甘甜香美。庵摩勒香酸甚佳。其餘瓜菓蔬菜、牛馬鷄羊鳧鴨海魚之類甚廣。通使海貳、准錢市用。地產細布、撒哈刺絨毯、呷羅錦、水晶、瑪瑙、珊瑚、珍珠、寶石、糖蜜、酥油、翠毛、各色手巾、被面。貨用金銀、布段、色絹、青白花磁器、銅錢、麝香、銀珠、水銀、草蓆、胡椒之屬。

詩曰、

葛刺宗西域、留傳教不衰。兵戎皆有法、文字悉周知。貨市排珍寶、轅門簇羽旗。柱梁飾、階級引行儀。不飲羞蟠炙、平鋪毯陸離。分邊盤坐處、異廣在餐時。言誓冰霜操、嬌顏玉雪姿。波羅大如斗、摩勒壓連枝。耘耔何曾用、豐穰只自宜。照臨天廣遠、採石句搜奇。恩詔欽華夏、流風實外夷。小臣存惻幅、隨表進丹墀。